



Na osnovu članova 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04), člana 12. Odluke o izvršavanju Budžeta Općine Centar Sarajevo za 2025. godinu, broj: 01-11-733/25 od 30.01.2025. godine i člana 6. Pravilnika o stipendiranju nadarenih sportista/sportistkinja - učenika osnovnog obrazovanja sa područja Općine Centar Sarajevo („Službene novine Kantona Sarajevo“, broj: 6/25) Općinski načelnik upućuje

JAVNI KONKURS **za stipendiranje nadarenih sportista/sportistkinja - učenika osnovnog obrazovanja sa područja općine Centar Sarajevo**

I OPIS PROGRAMA

U cilju ostvarivanja javnog interesa iz oblasti sporta, podsticanje sportskog razvoja, vrhunskih rezultata i promocije sporta kao važnog segmenta društvenog razvoja, Općina Centar Sarajevo planirala je sredstva u Budžetu Općine Centar za 2025. godinu za dodjelu sportskih stipendija, u ukupnom iznosu od 50.000,00 KM. Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

II PRAVO NA DODJELU SREDSTAVA MOŽE OSTVARITI :

Pravo na dodjelu sredstva mogu ostvariti pojedinci koji ispunjavaju sljedeće uslove:

- a) Da su državljani Bosne i Hercegovine;
- b) da imaju prebivalište na područje općine Centar Sarajevo u trajanju od najmanje jedne godine do dana podnošenja zahtjeva;
- c) da su starosne dobi od 6 do navršenih 15 godina života;
- d) da su aktivni članovi sportskog kluba;
- e) Da su ostvarili neke od sportskih rezultata, a u skladu sa kriterijima navedenim u Javnom pozivu.

Pravo na dodjelu stipendija nema učenik osnovnog obrazovanja koji prima stipendiju po istom osnovu.

II TRAJANJE JAVNOG POZIVA

Javni poziv se objavljuje na web stranici Općine, i ostaje otvoren 30 dana od dana objavljivanja.

Zahtjeve za ostvarivanje prava podnose roditelji/staratelji korisnika (djece i mladih) na propisanom obrascu, a koji je sastavni dio Javnog poziva u rokovima predviđenim ovim Javnim pozivom.

III KRITERIJI ZA IZBOR KANDIDATA:

Utvrđivanje rang liste kandidata za dodjelu stipendija vrši se na osnovu ostvarenih sportskih rezultata u pojedinačnoj i ekipnoj konkurenciji na državnim prvenstvima i međunarodnim takmičenjima priznatim od svjetskih i evropskih federacija, a vrednuju se rezultati ostvareni u prošloj kalendarskoj godini.

Vrednovanje rezultata vršit će se na osnovu zvanične potvrde o ostvarenom rezultatu u prethodnoj godini, koju izdaje zvanični strukovni sportski savez kod kojeg je kandidat registrovan za takmičenje.

Rezultati se vrednuju prema sljedećoj bodovnoj tablici:

| NAZIV SPORTSKOG TAKMIČENJA | POJEDINAČNA TAKMIČENJA | | | | EKIPNA TAKMIČENJA | | | |
|-----------------------------------|------------------------|------------|-------------|---------|-------------------|------------|-------------|---------|
| | I MJEST O | II MJEST O | III MJEST O | 1 KOL O | I MJEST O | II MJEST O | III MJEST O | 1 KOL O |
| OLIMPIJADA MLADIH | 300 | 250 | 200 | - | 300 | 250 | 200 | - |
| SVJETSKO PRVENSTVO I SVJETSKI KUP | 150 | 100 | 80 | 50 | 150 | 100 | 80 | 50 |
| EVROPSKO PRVENSTVO I EVROPSKI KUP | 120 | 90 | 80 | 50 | 120 | 90 | 80 | 50 |
| MEDITERANSKE IGRE | 120 | 90 | 80 | 50 | 120 | 90 | 80 | 50 |
| MEĐUNARODNA TAKMIČENJA | 100 | 70 | 50 | - | 100 | 70 | 50 | - |
| DRŽAVNO PRVENSTVO | 80 | 50 | 30 | - | 80 | 50 | 30 | - |
| FEDERALNOM PRVENSTVO | 50 | 30 | 20 | - | 50 | 30 | 20 | - |
| KANTONALNO PRVENSTVU | 40 | 20 | 10 | - | 40 | 20 | 10 | - |

Vrednovanje rezultata vrši se tako što se boduje najbolji aktuelni rezultat takmičara.

Ukoliko je takmičar postigao više rezultata na jednom takmičenju bodovat će se samo jedan najbolji rezultat.

Ukoliko dva kandidata imaju isti broj bodova nakon bodovanja najboljeg aktuelnog rezultata rangiranje se vrši na osnovu drugog postignutog rezultata, sve dok se ne utvrdi razlika u bodovima.

Rezultati u neolimpijskim sportovima vrednuju se sa 50 % bodova manje u odnosu na olimpijske sportove.

U cilju osiguranja ravnopravne raspodjele stipendija između dječaka i djevojčica, Općina Centar Sarajevo će prilikom bodovanja i rangiranja kandidata osigurati proporcionalnu zastupljenost oba pola.

Ako se iz određenih razloga ne prijavi dovoljan broj kandidata koji ispunjavaju uslove u okviru jedne vrste sporta, nadležna Služba zadržava pravo da uz saglasnost Načelnika navedena sredstva preusmjeri na ostale kandidate kako bi se planirana sredstva iskoristila.

IV POTREBNA DOKUMENTACIJA:

Podnosioci zahtjeva na konkurs obavezni su dostaviti slijedeće dokumente (original ili ovjerene kopije):

- Prijavni obrazac,
- izjavu roditelja da kandidat ne prima stipendiju po istom osnovu ovjerenu od općinskog organa uprave,

- c) uvjerenje o kretanju,
- d) uvjerenje o državljanstvu,
- e) potvrda kluba o aktivnom članstvu,
- f) potvrdu zvaničnog strukovnog sportskog saveza (kantonalni, Federacije BiH, državni savezi ili olimpijski komitet) o postignutim sportskim rezultatima podnosioca prijave za prošlu kalendarsku godinu, kako na domaćim tako i na međunarodnim takmičenjima.

V NAČIN DODJELE NOVČANIH SREDSTAVA

Pristigle zahtjeve će razmatrati Služba za obrazovanje, društvene djelatnosti, kulturu i sport. Na osnovu obrađenog materijala Služba donosi i objavljuje preliminarnu rang listu sportskih stipendista. Preliminarna rang lista objavljuje se na oglasnoj ploči i web stranici Općine Centar Sarajevo. Podnositelji prijave imaju mogućnost prigovora na Preliminarnu listu u roku od 8 dana od dana objavljivanja iste. Konačnu odluku, a nakon provedenog postupka prigovora donosi općinski načelnik.

Novčana sredstva za sportske stipendije dodjeljivat će se na način da će roditelj/staratelj korisnika sredstva zaključiti Ugovor sa Općinom po osnovu kojeg će ostvariti pravo na isplatu sredstva do kraja tekuće godine. Sredstva će se isplaćivati jednokratno.

VI IZNOS SREDSTVA

Stipendije se dodjeljuju za jednu kalendarsku godinu i isplaćuju se za jedanaest (11) mjeseci. Visina stipendije na mjesečnom nivou iznosi 100,00 KM, odnosno 1.100,00 KM na godišnjem nivou po kandidatu.

Za takmičare iz jedne sportske discipline može biti dodijeljeno najviše 10% sredstava namijenjenih za sportske stipendije.

VII NAČIN PODNOŠENJA ZAHTJEVA

Zahtjev sa dokumentacijom se podnosi Službi za obrazovanje, društvene djelatnosti, kulturu i sport – Odsjek za kulturu i sport na protokol Općine Centar, ulica Mis Irbina br.1. ili putem pošte.

Za sve dodatne informacije korisnici mogu pozvati broj telefona 033/562-384 ili poslati upit na mail: sport@centar.ba.

OPŠTINSKI NAČELNIK
Srđan Mandić